

merito *Gracia Lumen* vocat. Vtrumque Portum habuit, quorum alter Asiam, alter Italiam spectabat, qua oportunitate loci urbs subito crevit: iuvit eam etiam Isthmicorum ludorum celebratio. *Acrocorinthus* in monte erat 111 stadiorum ac dimidiati altitudine, sub ea erat *Corinthus* ambitu xl stadiorum. In vertice Montis ædes erat Veneri sacra: cui vicinus Mons *Pirene*, quem fama finxit à Pegaso illic ungula ictu excussum. Eversa est urbs a L. Mummiō, quod in ea legati Pop. Romani excepti essent indignius, post annos nongentos quinquaginta duos quam ab Alete Hipporis filio erat condita, ut est apud Paterculum. *Argia* sequitur hodie *Romania* Ortelio. Urbes huius tractus *Mycenæ* regia Agamemnonis, unde Ovid. *Agamemnonia* dictæ, celebres, à Templo Iunonis vetustissimo & religiosissimo, unde Argiva Iuno. Eam Cyclopes muro scribuntur cinxisse. Non procul inde fuit *Lerna* palus, ubi Hercules Hydram Lernæam, seu potius Latrones ad ea loca latrocinantes, iustulit, vicit & dissipavit. *Argos*, urbs exstructa, ut aliqui perhibent ab Argo. *Nauplia*, hodie *Neapolis* Romanæ urbs munitissima. *Epidauros* in Saronici Sinus recessu, Æsculapij Templo celebris: *Amycle*. *Argiam*, sequitur *Laconica* sive *Laconum* regio. Huius Metropolis *Sparta*, quæ etiam alio nomine vocatur *Lacedæmon*, hodie *Misithra*: urbs olim magna & potens. Fuit hæc non muris, sed civium virtute septa; non hinc operum magnificentia sed disciplina institutisq; Licurgi Pomponio memorabilis, & quæ cum Athenarum urbe deinde de Imperio dimicavit, quemadmodum Thucydides id libris vii & viii exposuit. *Leuctra* nota è Plutarcho à Filiarum Scedasi tristi & tragica historia. *Epidauros* quæ hodie *Malvasia*. *Messenia* à Taygeto Monte & fluvio Pamiso ad Alpheum usque porrigitur. Primaria eius urbs *Messene* ad mare sita, hodie *Mattagia* dicitur. *Aristomenis* Messenij præstantissimi viri patria, qui referente Pausania, hirsutum cor mortuus habuisse, deprehensus fuit. Sunt & *methone* nunc *modon*, insignis quondam & nunc Sangiaci Turcici sedes. *Corone* nunc *Coronæ*. *Pylus* patria & sedes Nestoris Homericæ triseclæ illius & dulciloqui. Et *Ciparissi* hodie *Arcadia*. *Elis*, inter Messeniam, Achaïam & Arcadiam sita est. Urbes, *Elis* per quam mediam Peneus & Alpheus fluebant, memorata Jovis delubro, Ludorum claritate fastos Græcorum complexa. *Olympia* celebris a ludis Græcorum solemnibus, quæ *Olympia* dicta fuere, & templo Iovis Olympij sumtuosissimo, quod hominum frequentia potentissimorumque Regum donarijs adeo crevit, ut in tota fere Græcia nullum fuerit magnificentius, nullum clarius, opibus, cum etiam Iove ipso nihil ibi putaretur sanctius, nihilque augustius. *Cypselus* Corinthiorum tyrannus, Iovem totum aureum Olympiæ consecravit. Deinde *Phidias* Atheniensis simulachrum eius Dei, ex ebore & auro stupenda & insolita magnitudine erexit, utpote pedum lx. In quo opere illud ab alijs artificibus reprehensum, quod simulacri ad templum nulla esset proportio. Cum enim in eburneo throno sederet Iupiter, capiteque templi fastigium contingeret, necesse erat, si quando sedendo defatigatus eburneus ille Deus surgere vellet, ut Templi culmen una cum tecto deiceretur: Et *Pisa*. *Achaia* ab *Ptol.* propria cognominata, Ab *Araxo* promontorio usque ad *Sicyonios* extenditur, quorum terminus communis est fl. *Sus*: ad Austrum

*Achanis*